

皇

明

史

概

皇明開國臣傳目錄

第一卷

中山徐武寧王

開平常忠武王

岐陽李武靖王

寧河鄧武順王

東甌湯襄武王

第二卷

黔寧沐昭靖王

朱國馮公

穎國傅公

韓國李公

會事王公

叅議權 事國公

第三卷

誠意伯劉公

學士宋文憲公

御史中丞章公

叅政陶公

叅政陶公

叅政魏公

翰林學士王忠文公

附吳雲

叅議王公

子彥達

附王名善

陳敬

副使經歷熊公

附黃政

第四卷

丹陽縣男孫公

南陽郡侯葉公

高陽郡侯許公

當塗縣男王公

縉雲郡伯胡公

東丘郡侯花公妻邵氏

永義侯桑公

越國胡武莊公

泗國耿武莊公

號國俞忠烈公父廷王第通源通淵

鄖國廖武閑公弟德慶侯

蔡國張忠毅公附袁義汪典祖

梁國趙武桓公附程罔勝

濟陽侯丁公附張高陽郡侯韓公子觀

安國曹忠壯公附周顯張耀

燕山孫忠愍侯

附孫虎

樂浪濮忠襄公

附指揮同知于光烈廣

第五卷

陝國郭宣武公

弟營國威襄公

新國康武襄公

江國吳襄烈公

弟海國襄毅公

長興侯公

芮國楊武信公

弟丁玉

黔國吳康毅公

濟國丁公

郛國韓公

沂國金公

榮陽侯鄭公

安遠侯蔡武忠公

東川侯胡公

淮安侯華公

杞國陳定襄公

永嘉侯朱公

永國薛桓襄公

定遠侯王公

滕國顧襄靖公

許國王襄靖公

汝南侯梅公

附周武

平涼侯費公

河南侯陸公

江夏侯周公

張公

都督僉事馬公

葉公

左都督寧公

都指揮使花公

第六卷

太子少保尚書唐公

起居注范公

太守李公

弟翼

附梁貞

侍讀學士潘公

子補

太守王公

東閣大學士吳公

附朱廉徐原參約

文淵閣大學士朱文恪公

武英殿大學士吳公

尚書大學士劉公

翰林學士朱公

附張樞

蜀府長史陳南賓傳

附周式

尚書司業劉公

附李叔正梁宏陳繼先

侍郎司業張公

祭酒宋文恪公

附余煥

吳顯

司業王公

第七卷

尚書學士承旨詹公

附吳琳

呂本

尚書祭酒樂公

尚書崔公

牛公

任公

李公

滕公

周公

端公

程公

錢公

任公

翟公

陳公

嚴公

四輔官安公

李公

王公

杜公

李公

龔公 趙公 何公 吳公

編修攝御史張公 附王璣

編修蔣公

侍制趙公

博士錢公

叅政陳公

弘文館學士羅公

侍讀學士知州秦公

侍讀學士張公

郎中知州林公

侍講學士危公

第八卷

副都御史韓公

僉都御史嚴公

侍郎同知劉公

附茹連

叅政彭公

附吳印

僉事劉公

御史司獄王公

附葉伯巨
周敬心

鄭士利
郭海

給事中知府方公

太守方公

胡公

王公

王公

高公

郎公

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百
一百一
一百二
一百三
一百四
一百五
一百六
一百七
一百八
一百九
二百
二百一
二百二
二百三
二百四
二百五
二百六
二百七
二百八
二百九
三百
三百一
三百二
三百三
三百四
三百五
三百六
三百七
三百八
三百九
四百
四百一
四百二
四百三
四百四
四百五
四百六
四百七
四百八
四百九
五百
五百一
五百二
五百三
五百四
五百五
五百六
五百七
五百八
五百九
六百
六百一
六百二
六百三
六百四
六百五
六百六
六百七
六百八
六百九
七百
七百一
七百二
七百三
七百四
七百五
七百六
七百七
七百八
七百九
八百
八百一
八百二
八百三
八百四
八百五
八百六
八百七
八百八
八百九
九百
九百一
九百二
九百三
九百四
九百五
九百六
九百七
九百八
九百九
一千
一千一
一千二
一千三
一千四
一千五
一千六
一千七
一千八
一千九
二千
二千一
二千二
二千三
二千四
二千五
二千六
二千七
二千八
二千九
三千
三千一
三千二
三千三
三千四
三千五
三千六
三千七
三千八
三千九
四千
四千一
四千二
四千三
四千四
四千五
四千六
四千七
四千八
四千九
五千
五千一
五千二
五千三
五千四
五千五
五千六
五千七
五千八
五千九
六千
六千一
六千二
六千三
六千四
六千五
六千六
六千七
六千八
六千九
七千
七千一
七千二
七千三
七千四
七千五
七千六
七千七
七千八
七千九
八千
八千一
八千二
八千三
八千四
八千五
八千六
八千七
八千八
八千九
九千
九千一
九千二
九千三
九千四
九千五
九千六
九千七
九千八
九千九
一千
一千一
一千二
一千三
一千四
一千五
一千六
一千七
一千八
一千九
二千
二千一
二千二
二千三
二千四
二千五
二千六
二千七
二千八
二千九
三千
三千一
三千二
三千三
三千四
三千五
三千六
三千七
三千八
三千九
四千
四千一
四千二
四千三
四千四
四千五
四千六
四千七
四千八
四千九
五千
五千一
五千二
五千三
五千四
五千五
五千六
五千七
五千八
五千九
六千
六千一
六千二
六千三
六千四
六千五
六千六
六千七
六千八
六千九
七千
七千一
七千二
七千三
七千四
七千五
七千六
七千七
七千八
七千九
八千
八千一
八千二
八千三
八千四
八千五
八千六
八千七
八千八
八千九
九千
九千一
九千二
九千三
九千四
九千五
九千六
九千七
九千八
九千九

參議王公

同知羅公

員外郎通判楊公

知州任公

知州羅公

子彭祖

彭祖孫英

知州吳公

通判詹公

按察使隋公

陶公

侍郎閻公

王府副相顧公

同知榻公

知縣道公 周公 歐陽公

主簿徐公

典史青公

縣丞廖公

第九卷

大理卿太公

大理少卿陳公

監察都御史林公

一月姓劉

待詔沈公

附陳玄

趙彥到

助教貝公

學錄蕭公

說書王公

弟佑

子泰

知事王公

知縣俞公

附殷奎

修撰縣丞蔣公

訓導蕭公

訓導金公

附孫欽

教諭趙公

胡公

李公

教授吳公 胡公附李希烈徐公

徵士唐公 趙公 汪公 梁公 陳公 周公

劉公 陶公 宣公 俞公

耆儒陳公 黃公 吳公 王公附葉子奇

第十卷

參軍王公

同知宋公

王府右相李公 子伯震

給事中王公

經歷孫公

林坡黎公

雪蓬先生黃公

按察使楊公

侍郎高公

布政徐公

司丞張公

大使張公

稅使鄧公

更生子錢公

孫所

鐵笛道人楊公

附序跋生

謙齊滕公

滄江散人徐公

雲林倪公

附張介福

醫隱王公

侄溪漁子

楮園王公

竹溪逸民陳公

林清

陳亮

葉頤

朱鼎辰

樂澹先生唐公

子璧

金粟道人顧公

附沈萬三

旌士王公

鄉耆汪公

附夏宗顯

王公

楊公

第十一卷

東莞伯何公

知縣王公

司直郎汪公

縣主簿潘公

知府陳公

行省平章王公

行省左丞吳公

附名萬中

副使吳公

知縣張公

太僕卿朱公

尚書薛公

知府呂公

指揮僉事郭公

尚書寺官單公 世公 錢公 劉公 周公

郎中詹公

中書平章李公

指揮僉事左公

行省平章潘公 府李伯昇

卷十二

孝子列傳

朱公

錢公

孫公

祝公

瞿公

伍公

丘公

曾公

陳公

毛公

吳公

朱公

危公

姚公

鮑公

崔公

李公

劉公

陳公

楊公

顏公

包公

胡公

第十三卷

義門鄭氏 顧氏

義士何公 張公 楊公 王公

駢義肅公 遺民程公

樂氏兄弟

南湖處士鄭公

白鹿生楊公

冰壺周公

樂善王公 鄭公

杜公父子

善士李公 王公

皇明開國臣傳卷之一

臣朱國禎輯

中山徐武寧王

王名達字天德濠州人世農業長身偉貌剛毅英武居
平沉靜不自炫露凡歷履與兵法傳授之槩莫得而名
至正癸巳高皇自濠還鄉募兵得七百餘人王來謁
上與語奇之曰此大器也留置麾下已歸盡獻七百人
于郭子興獨與王等二十四人南略定遠王時年二十
二出入必從謀議無不合命爲鎖撫位諸將上從入
滁州破元兵上以元政不綱羣雄並起大命應有所

屬與王濬于天期三月投附多寡爲驗未幾衆雲集日
與王訓練精卒可數萬明年乙未取和陽孫德崖之亂
上被留幾不免王挺身往代上始得脫王亦脫歸從
下俞通海等水寨與蠻子海牙相距走之渡江拔采石
搗太平擒陳瑊先釋之海牙阨江口別率兵取溧陽溧
水斷其肘腋合擊大破之乘勝下集慶路上惠諸將
擄掠切責欲加罪王率諸將叩頭謝乃赦之王所過秋
毫無犯上固知之特欲借王示標由是軍政益肅
上念鎮江係京師後障不卽取恐爲張士誠所先江路
梗塞勢難展布又新定都未可輕動乃遣王速進兵攻

下之走苗帥完者修平章定定號令嚴明城中宴然置
淮興翼元帥府以王領之尋置江南行樞密院晉同僉
院事士誠據常州誘我降將陳保二將窺金陵王敗之
龍潭追至常州請益師得三萬人分軍薄城士誠第平
章士德來援擒之大破其軍進圍常州未下賜書讓之
各奪一官益以兵二萬而新附長興卒七千人叛降士
誠王被圍牛塘常將軍兵至援出之乃復合圍呂珍來
援入城以糧少遁去遂下常州湯和守之取馬馱沙轉
攻寧國府破其將謝國璽守臣楊仲英等堅守上自
至乃降復徇宜興別道下常熟已復與邵榮圍宜興使

丁德興塞太湖援道宜興下時 上以重兵定發處將
略有浙東諸郡而徐壽輝將趙普勝陷池州復進據樅
楊水寨王率俞通海等擊破之普勝棄舟走又擒其部
將洪鈞等并獲戰艦數百 上得頡意西向無反顧憂
拜奉國上將軍同知樞密院從 上取無爲州王夜掩
浮山寨破趙普勝別將胡總管于青山窮追至潛山復
破斬郭叅政下潛山還鎮池州 上諜知陳友諒且犯
池命常將軍以兵來援使使語王友諒旦夕至則重覆
九華山下掩其後可盡取也王奉命友諒至悉銳攻城
城中兵應之伏發大破其衆斬首萬餘級生獲三千人

常將軍曰此精兵不殺將爲害王不可以狀聞 上
使者天下戰方始多殺何以招來者而常將軍先以夜
阬過半 上不憚悉縱餘者始命王盡護諸將友諒旣
陷太平盛兵壓建康 上設奇大破之王時將南門外
兵功最多遂與馮國勝等追蹙聯捷復太平遂攻安慶
尋從 上取江州友諒走追破之進營漢江之沌口拜
中書省右丞洪都內變還軍討定之遂移兵攻廬州而
友諒悉衆圍洪都 上自將赴之召王會兵友諒亦解
圍出遇鄱陽湖王先進敗其前鋒撲火力戰以死自誓
乃得脫時張士誠素與友諒約窺建康及是兵相持度

未卽決 上深憂根本命王還守 上旣破誅友諒歸
卽 吳王位置中書左右相國時猶仍元故尚右王爲
左相國復從平武昌還復諭王等以更涉世故則智明
久歷患難則慮周今者紀綱法度粗若有緒顧其間或
未盡善諸公宜執正論毋使有旣往之悔于是王與右
相國李善長相與推明稱畫一焉取廬州徇湖湘未下
州縣守將楊以德以夷陵降楊興以歸州降師至潭州
土酋易華來降進討周文貴于辰州克其城并克寶慶
召還大會師取張士誠淮東郡邑先克泰州分兵取興
化 上命馮國勝濟師會宜興被寇王渡江救却之還

板高郵取淮安復率舟師攻安豐克之游兵至潁州獲其糧艘拜大將軍取浙西圍湖州屢戰皂林舊館得其將士六萬直抵蘇州圍之遣人請事上曰將軍天性忠義軍中稟命此賢臣事君之道吾甚嘉之然將在外君不御自後軍中緩急便宜行吾不中制松江錢鶴皋作亂討平之蘇城堅圍之十月乃縛士誠以獻班師封信國公遂議北伐改官尚左相國爲丞相王爲右丞相拜征虜大將軍副以鄂國公甲士二十五萬大集諸將諸將軍非不善鬪然能持重師有紀律戰勝攻取得爲將之體者毋如大將軍宜額中軍策厲羣帥運籌決

勝不可輕動又謂王闡外之寄汝實任之茲行進取必
自山東始大將軍至淮沂州帥王宣與其子信請降復
叛急攻下之慘宜與其黨十餘人進圍益都降其平章
老保遂徇濰膠壽光臨淄等諸州邑因兵威諭降樂安
淄川遂次濟南與副將軍兵會東昌所過無不降附
上卽大位立 皇太子兼太子少傅賜誥比之太公韜
略因奏山東新附州縣及俘獲軍寔之數勸兵至陳橋
規取汴梁守將李克葵震懼時左君弼竹昌皆依焉克
葵謂二人數與南師角爲我率麾下應之君弼曰是未
易當也有徐相國者善用兵我見之輒膽落何能戰克

彘乃驅兵民夜開門北走君弼與竹貞率所部迎降大
軍入城遂由中潏進略維陽元兵大潰降梁王阿魯溫
河南平別將拔潼關守之遣使諭擴廓帖木兒遂徇魏
州毛葫蘆諸寨收其兵擴廓報聘以白金文馬爲饋受
馬反金送其使建康 上幸汴梁謁行在 上勞問宜
以時進兵退復召問計對曰大兵平齊魯掃河南擴廓
自保不暇何敢離其穴我西據潼關扼天下之脊而守
之李思齊張思道魏奉遠竄伏 天威取元都當如拉

朽 上大悅王拜命次河陰副將軍遇春來會仍移頓
陳橋 上畫陳圖以賜調諸將悉集王復入辭已分兵

連取衛輝彰德廣平王駐臨清諸將畢會道傳友德開
道通步騎順時凌開通舟師前下德州取長蘆滄州齊
直沽據之作浮橋濟師元丞相也速不戰走抵河西務
敗其平章俺克等進抵通州與遇春夾河而軍擒國公
卜顏帖木兒等閏七月兩寅入通州其夜三鼓元君開
建德門北遁踰五日進師填濠入陳兵登齊化門執其
監國淮王帖木兒不花居守太尉左丞相十餘人戮之
時洪武元年八月初三日也封府庫籍圖書金玉以兵
千人守宮殿門使宦寺監護餼廩無缺市不易肆捷開
設六衛孫興祖守之詔進兵山西副將軍先下保定河

間真定右副將軍馮宗異已定懷慶度太行取澤潞王
以大軍繼之薛顯傅友德爲前鋒略平定州而北時擴
廓方自保安謀險居庸關抵故都王聞謂諸將曰擴廓
兵遠出太原必虛北平孫都督自足抗禦我直走太原
覆其巢所謂批亢擣虛也諸將皆曰善遂抵大原擴廓
皇遽還軍來救鋒銳甚副將軍與王計以步兵未集虜
驟至可掩取會擴廓部將豁鼻馬約降乃分八道夜襲
之擴廓方燃燭坐帳中使二童子挾書侍卒聞警跳一
足乘驛馬以十八人走大同豁鼻馬降得甲卒及馬各
四萬遂下太原乘勝逼大同擴廓復走甘肅遣顯友德

以步騎微破賀宗哲于西州大將軍自霍下平陽河中
府山西悉平遂渡河鄜城守將迎降克同州趨鹿臺張
思道等聞兵至遁去渡涇渭至三陵坡父老千餘人出
迎王撫慰遣左丞周凱入城申約束明日開城門具威
儀而進秦民大悅改奉元路爲西安府副將軍兵逼鳳
翔李思齊走臨洮鳳翔下諸將議所攻皆以張思道才
不如李思齊慶陽易于臨洮請先取慶陽王曰不然思
道自守虜耳城險而兵精卒未易拔臨洮北界河湟西
控羗夷地富而人衆以大兵蹙之思齊不走則降思齊
降全陝皆我有矣遂度隴克秦州走其將呂德張義至

鞏昌總帥汪靈真保平章梁子中商馬等降部將欲括
所下州縣羊禾供軍不許曰西北之民素以牧畜爲生
今奉命弔伐本以安民若奪其所資彼將何以爲生遣
馬者軍進兵臨洮李思齊降得其衆十餘萬進攻靖寧
走阿 杜伯卜哈度六盤山襲走豫王盡獲其部落輜
重使 喻慶陽張思道懼留其弟良臣以兵守而從輕
騎走 復起擴廓爲所執良臣聞之來納款遣石丞顯
騎五千步卒六千往受之良臣自疑佯伏道左獻牛酒
乘夜襲之顯被傷走王怒甚悉軍圍慶陽分布精騎略
其四面援兵路絕王進逼西門矢石雨下不爲動城中

出兵盩厔壯士摧敗之悉捕斬伏兵及請援者并採汲
之人皆盡良臣懼登城請降不聽擴廓遣韓札兒來救
擊走之圍益急其平章姚暉等開門納師良臣父子投
于井出而斬之誅其餘黨陝西悉平 詔還京第功宴
諸功臣以王爲首稱其克敵致勝振揚國威撫綏軍民
得大將體 賜白金五百兩文幣五十表裏且人論封
而會擴廓覘王還以十萬衆襲蘭州不克敗我援師殺
指揮使于光時副將軍卒塞外 上乃還王大將軍印
以平章李文忠爲副將軍分兵王自潼關出西道梅安
西取擴廓平章自居庸出東道由大漠取元嗣主王台

至定西遇擴廓相持左軍胡德濟被劫而驚親進擊乃
定明日戰大破之乃使鄧將軍因兵威脇降西番自攻
興元取之李平章亦克應昌先後露布聞還京上爲
幸龍江勞之授王開國輔運推誠宣力武臣特進光祿
大夫左柱國太傅中書右丞相叅軍國事進封魏國公
歲祿五千石予誥券免三死子免二死世襲資文綺帛
百疋是歲辭判省事右丞汪廣洋代明年復佩大將軍
印鎮北平以便宜徙山後順寧等處軍民戶三萬五千
八百口一十九萬七千餘籍爲軍者給月廩爲民者給
田以耕凡置屯二百五十四定墾田一千三百四十三

頃十一月還京五年正月與曹宋二公召宴射賜交趾
弓五十彤弓百因諭之曰古者諸侯有四夷功賜之弓
矢王等謝知 上且再出兵甫旬日 上御武樓與計
邊事曰擴廓游魂尚出沒奈何王遂請行出中路曹公
以左副將軍出東路宋公以征西將軍出西路王抵山
西境都督藍王爲前鋒敗其游騎于野馬川復敗擴廓
于土刺河擴廓遁與賀宗哲合兵拒我師于嶺北驟戰
不利死者萬餘人王固壘而收之故微侯功臣無死者
虜亦不敢入塞偏將軍湯和遇虜斷頭山亦敗曹公出
塞至口溫力戰破虜而道遠乏水其後軍亦爲虜所掩

失侯曹良臣大校數人獨宋公至西涼乘勝窮追盡收其妻子以私匿馬馳故賞不行而上以王功大弗問也連歲出鎮北平練兵築城獲元故官屬及招降甚衆十四年正月故元平章乃兒不花出沒爲寇復拜王將軍率諸將往討四月庚午出塞右副將軍傅友德至北黃河虜騎駭遁友德輕騎夜襲灰山克之盡獲其部落人畜西平侯沐英等略公主山長寨殲其戍卒獲全寧四部以歸復鎮北平歲行盡召還明年春復出每還休沐宴見歡飲有兄弟稱而王愈恭謹嘗從容謂徐兄功人未有寧止欲以舊邸與之王固辭一日與之邸醉

以酒覆被舁臥正寢醒而驚輒俯伏階下呼死罪上
益悅命有司卽舊邸前治甲第表其坊曰大功又語王
天下已定宜少休免朝請固謝不敢蓋知上憂勞天
下非人臣自逸時也王長女得尚燕邸每出鎮見王
必執臣禮不少間王禮重之胡惟庸爲左丞相儉而貪
以王元勳貴重欲因以內好惡之不答則賂王閹者福
壽使爲間事覺王亦不問惟時時爲上言惟庸不可
過委未幾果敗後在北平疽發背小愈上使其子允
恭視之賜璽書召歸疾益甚上憂之爲延致名醫
祀禱無不至十八年二月二十七日薨年五十四上

奔赴慟哭輟朝愴然謂羣臣大將軍爲朕股肱心膂修
力行陣東征西討削平羣醜克濟大勲邇者太陰屢犯
上將萬里長城一旦奪之悲夫盡心國家爲社稷重者
寧復有大將軍吾何以報贈中山王謚武寧追封三代
皆中山王御製神道碑稱王言簡慮精當提兵之時令
出不二諸將敬若神明所至拔城不屠與人不戲凡受
命而出及功成而旋每不自矜至于封姑蘇府庫置胡
宮美人財寶無所取婦女無所愛忠志無疵昭明平日
月特親筆生前偉績張我威武混一區夏奠安人神之
勞仍爲歌勒石自王薨上所授大將軍印獨宋公勝

涼公玉而潁川侯友德以雲南功進封公然 上待之
不如遠甚諸所餽勵惟稱中山王或中山開平並稱比
及 文皇尤數數歸重于王王用兵如神善拊循其下
得壯士與謀輒不殺恩結爲我用所至民皆不擾歸朝
單車垂橐生平無聲酒伎媵之好遇吳見一女以首飾
爲定後竟不取反資而嫁之親禮儒生與談經術古事
雍容如也始 上郊祀後卽建功臣廟于雞籠山圖王
戰功與太廟配享位皆第一至是乃塑像焉 文皇卽
位祭以一中牢其後因之初娶張氏卒 上爲特繼謝
氏生子女各四人曰輝祖曰添福曰增壽曰膺緒添福

蚤卒次二女代王安王妃

弇州外史曰 高皇帝之取天下計初下建康再與陳友諒角實在行而他十七皆大將軍力也大將軍之廉靖仁武沉幾策勝卽古名世之佐曷過焉勞而不伐夙夜匪懈以功名終蓋所以處君臣之際微矣元女侑配英主整其成師于十五年後而資靖難兩都二公光表後裔寵冠羣辟夫豈幸哉

朱史氏曰贊中山王者無如 太祖墓道數語跡其氣象沉雄宏遠驅轉騰虎意氣甚開服事真龍初終不易王佐之優我明盛必有君有臣蓋皆所謂天縱又多能

也功名保全良自有本二子繼起各爲向背一瘡死一
殊死風雲擾攘之際精采益新上公之身南旣復繼北
又加親蓋元功大德古今無二報亦如之 文皇后與
整成師之云韋亦受授意想之可及乎

輝祖初名允恭長八尺五寸有材氣王數鎮北平留宿
衛御家衆肅然理左府事月給俸二十石王薨踰歲襲
公以皇太孫嫌名賜今名數往陝西北平山東河南練
兵治餉詔仍于太倉支歲祿五千石還公田于官元將
阿魯帖木兒隸燕府有異志爲告者所發往嗣實合策

捕送誅之還領中府二十九年學正吳啟請甄別國子
師生以公知文同禮部翰林諸臣詣監試文藝分別送
吏部銓用 建文皇帝卽位用肺腑與曹公李景隆領
朝班加太子太傅 燕王以屬尊見疑王次子高陽王
高煦時留京竊輝祖善馬逃遽以聞 建文皇帝以是
益親信之輝祖亦秉節無二當爲大將北征終以燕戚
屬見左燕兵渡京口猶與開國公常昇等分道出戰甚
力 王下京師獨守先廟弗迎以是羣臣論劾輝祖削
爵勒歸私第終不屈下獄五年死事見前年四十餘萬曆
中錄忠廟祀居首永樂十八年 上念王功大且以

后恩俾子欽襲爵盡還諾券歲祿賜田明年來朝乞守
父墓不待命辭上恨之復削爵徙鳳陽仁宗卽位
欽來朝詔復故爵卒子顯宗嗣嗣二十三年卒無子
弟承宗嗣屢領軍府提督南京守備加太子太傅矜嚴
有威練達政體嗣十六年卒子備嗣備字公輔掌南左
府時南京特重守備位公上備奏乞正名分以定班次
乃得改正尋管守備事有衛卒列肆取利奏聞且言侵
及陵壩詔勘不盡實被劾亦會星變避位久之仍左府
守備加太子太傅嗣凡五十二年卒年六十八贈太傅
孫鵬舉嗣鵬舉之生也備夢朱岳鄂王八其室故以字

名號薦軒溫厚長者凡三領軍府守備加太子太保晚
節嬖其妻奏立爲夫人欲以其子邦寧稱嫡會有所格
不得立立其庶長子邦瑞自顯宗後世世奉祀 孝陵
鵬舉嗣公凡五十二年卒邦瑞嗣號少軒入朝嗣爵會
穆宗立宿衛凡一年歸養母薨領守備及後府事戊子
大水有假神語爲妖者推得其首置之法乃定尋卒年
六十一維志嗣萬曆十年賜第火所失 太祖手
劄甚多詔南京工部重建卒弘基嗣

增壽機警勇敢善騎射好讀書以父任三遷至左都督
從征胡寇有勞侍宿衛謹實寡過而歸心燕王 建文

皇帝一日謂增壽王得無以叔父懷異謀且反對曰

燕王先帝同氣且富貴已極何故反燕師起爲內訌

時報虛實帝漸覺未及問而燕師入召詰不對手劍

斷其腰燕王入撫屍而哭既卽位追封武陽侯賜諡

忠愍尋進封定國公子景昌嗣歲祿二千五百石恭慎

好學延禮士大夫永樂四年掌左府代祀汴河董修鳳

陽宮殿洪熙元年掌行在後府高煦構逆宣宗親征

居守車駕再出巡邊皆扈從凡三十五年卒子顯忠

嗣十二年卒子永寧幼又七年嗣疾失心子半祿罷朝

請病二十六年卒妻丁氏繼于震旌曰貞烈子光祚嗣

領軍府 武宗立舊恩進太傅奉迎 世宗加太師監
修 武睿二朝實錄成加兼太子太師凡四十五年卒
謚榮僖子延德嗣領軍府四十餘年卒子文璧嗣文璧
字國璽號西畬領軍府送潞王之國營壽宮加太保太
傅甲午郊祀加太師壬寅卒謚康惠子廷輔先卒孫希
臯嗣卒子允禎嗣嘉靖中詔裁恩澤世封而魏定二公
皆自以功弗奪有言定公功不稱者亦以中山後謂兩
朝並重而恩數則定國常過之

膺緒初爲尚寶卿遷大同衛指揮僉事再遷都督僉事
奉朝請 太宗朝輝祖增壽皆前卒膺緒以元舅見尊

寵凡有封拜皆遣將命 仁宗立加其子景珩中軍都
督僉事景璠金吾前衛指揮僉事諸孫爲指揮弗絕

開平常忠武王

王名遇春字伯仁懷遠人膽力絕人猿臂善射從羣盜
劉聚聚好鹵掠心薄之乙未高皇駐兵和陽四月來
歸未至困臥田間夢神人披金甲擁盾呼曰起起主君
來忽寤見上騎從至卽迎拜請爲先鋒上曰爾饑
故至此且有故主在吾安得奪之遇春頓首曰劉聚盜
耳無能爲也倘得效犬馬力于知者雖死不憾上猶
弗許曰能相從渡江取太平而後臣我未晚也旣渡抵
采石元兵陣磯上其下巨舟如織莫敢先登遇春在傍
上麾之應聲挺戈直前敵接其戈乘勢躍而上大呼力

戰貽藉衆軍畢登乘之大敗其衆遂取太平授總管府
先鋒進爲總管 上旣渡而諸將士家屬輜重皆在北
滁和守備單弱元中丞蠻子海牙擁舟師數萬襲據采
石界其間音問中絕 上自率衆攻之使王多張疑兵
分應旣合戰王別搃輕舸橫衝其舟分爲三縱擊大破
之自是元師扼江之勢衰而南北通矣從取集慶路再
從徐大將軍取鎮江爲領軍先鋒大將軍攻常州降卒
叛與張士誠合圍我于牛塘命王濟師以援表裏擊大
破之擒其梟將進統軍大元帥丁酉克常州遷中翼大
元帥尋從大將軍下寧國遂取池州戰功最進行中書

省都督馬步水軍大元帥從 上取婺州己亥進鉅國
上將軍同僉書樞密院事守婺州攻下衢州降院判張
斌進僉樞密院事移攻杭州庚子召還從大將軍破陳
友諒兵于池州六月友諒入寇薄龍灣從 上設伏大
破之 上追友諒王留守用法嚴軍民肅然辛丑陞行
省叅知政事復從 上至安慶遂取江州還督龍灣之
師李伯昇圍長興急 上駐兵九江聞報遽還京遣往
援伯昇道俘斬後軍五千餘人壬寅羅友賢據神山寨
逼吳搖動嚴欽癸卯討斬之餘黨悉平 上所任將帥
最著者三人曰平章邵榮右丞徐達與遇春榮最爲宿

舊且善戰忽有異謀就縛 上猶欲宥死王直前曰人臣以反名寧可宥臣誼不與之共生 上乃飲榮酒流涕而修之以是心益愛重之士誠別將呂珍圍劉福通于安豐 上救之師至而城已破福通死珍兵勢盛逼營水陸爲戰守備甚嚴時汪元帥爲前鋒拔其中壘而據之會左右軍敗汪元帥兵欲出不得則殊死圍不可敗而王以精騎橫突其脅三合三勝衆軍乘之大捷進圍安豐左君弼自廬州來救逆擊大破之其再從弟榮榮雖穀果敢年未冠遭元末亂從軍安豐癸卯渡江來歸 上甚喜謂遇春日此將門之將也甲辰從征武昌克廬州安豐有功授千戶乙巳從攻贛州下南雄韶州克安陸襄陽吳元年從下姑蘇有功陞指揮僉事及遇

秦馬征虜副將軍樂從行遇青瑤子軍樂喪喪運京師
二年陞指揮同知仍世襲四年從永嘉侯朱亮祖伐蜀
軍還受賞五年從出塞
戰死事聞優加贈卹

水歸卽以隸之移薄廬州且下

而友諒傾國兵久圍南昌上趣還合大兵往救遇于

鄱陽湖之康郎山張定邊奮前犯上舟適膠淺事且

迫王從傍射定邊中之廖永忠以舟激水至上舟脫

而王舟膠力戰衝突得免明日復大戰乘風縱火焚其

舟數十里湖水盡赤友諒弟友仁友貴等皆焚死連戰

三日友諒之卒死者過半而我師亡失略相當收兵復

戰旣出湖口諸將氣稍奪欲縱之去王獨不言上悟

扼江上流別出奇兵絕餉道凡旬有五日友諒窘以百

賊突圍 上蹴之友諒中流矢死策勲以王及廖永忠
俞通海爲首復從 上討陳理于武昌圍甫合其驍將

張必先自岳來援王以五千騎逆擊破擒之理遂降進
中書平章政事尋從大將軍取廬州始別將兵略定臨

江之沙坑等寨遂定贛州進師南安遣幕官危止止字

江右人讀書好義元末 高皇帝遣平章常遇春帥師

徇江右止獻策得隸麾下時陳友諒賴將熊天瑞破韶

州遂兼統之引兵五萬攻廣州何真出禦輒爲所敗天

瑞以廣州唾手可得順流而下會大雨晝晦震其檣

舟不能進天瑞驚歎乃兩師頓州乙巳秋九月止從遇

春帥師攻賴五閭月天瑞接絕糧盡出降遂進師南安

遣止諭招諭諸郡未下者於是韶州守將張秉彝南

雄守將孫榮祖各以所部降遇春令指揮王瑄守南雄

秉彝仍守韶州止勞來安集上民 說南雄韶州諸路皆

威悅及平張士誠投易程知縣

來降師還取安陸襄陽復從大將軍克泰州高郵海陵
安徐宿安豐悉下之大發兵下浙西討張士誠仍副大
將軍師出太湖擒其萬戶尹義等直趣湖州之毘山與
士誠兵水陸勁鬪敵大潰遂薄城其丞相士信來援築
壘舊館壓我師之背王率奇兵由大全港入營于東阡
反壓其背士信急抽精兵搏戰鼓將士立破之復破其
援兵赤龍船于烏鎮士信跳去舊館之卒降得六萬人
湖州亦下進圍平江路數破其兵凡十月始克封鄂國
公上念功大欲尊貴之而李徐已爲左右相國不能
復置相乃以王爲平章軍國重事祿秩與相國等議討

中原爲征虜副將軍與大將軍北伐 上諭諸將當百
萬之衆擢鋒陷陣所嚮披靡無如副將軍遇春第虞輕
戰夫遇春大將也而好與一小校爭能甚非吾所望王
頓首謝 上卽皇帝位冊立 皇太子領太子少保進
師與大將軍合略定山東破汴梁攻河南元兵五萬陣
洛水北王軍騎突之敵以二十騎橫槊來刺王發一矢
殪當先者大呼而入麾下壯士從之盡殺其二十騎敵
大潰河南諸郡邑悉平 上幸汴梁人謁勞之三日辭
復往河南遂與大將軍略定河北進逼大都元主北走
移兵徇大原擴廓還師來援鋒銳甚王曰我騎兵

而步卒未至驟與之戰必多殺傷且未易決夜劫之可得志從之橫廓果大潰走改左副將軍已酉正月出塞攻大同竹真棄城走轉徇河東西渡關下奉元路遂與右副將軍馮宗異合逼鳳翔張良弼遁去平章李思齊走出塞其侄良臣率所部十餘萬衆迎降臨洮鳳翔皆平會元丞相也速寇通州至白河而遁上乃遣王以所部馳至北平部署將士李文忠副之謀元主在開平選步卒八萬騎一萬取道三河經鹿兒嶺抵會州敗其將江文清于錦川獲士馬千計次全寧與也速遇復敗之進次大興州分下騎爲八伏徼其歸大興之守兵走

伏發大敗之擒丞相脫火赤遂薄開平元主已前走追
北數百里俘其宗王慶生以 三平章衆住等斬之凡
得將士萬人車萬輛馬三千匹牛五萬頭子女貨寶稱
是師還次柳河川暴疾卒年僅四十 上爲震悼喪至
龍江親出奠爲文祭叙其功甚詳大慟始 命有司制
聞大臣計用宋太宗爲韓王趙普舉哀禮擇葬地鍾山
之陰明器芻靈凡九十皆官給宋濂爲神道碑文仍報
大將軍會葬特贈翊運推誠宣德靖遠功臣開府儀同
三司上柱國太保中書右丞相追封開平王諡忠武推
恩王其三代皆 賜諡明年論功 賜金幣與大將軍

等子誥券配享廟庭與祀功臣廟皆次大將軍爲第二

六年廟中立府

卽鳳陽府

旣成復爲文祭之王善撫士卒與

同甘苦皆樂爲之用出則摧鋒退則殿後未嘗敗北謙

慎不伐有功無過雖不習書史而用兵決勝與古人合

年長于大將軍二歲數從征伐奉令進止赴期不敢爽

毫髮大將軍敬信之終始無少間及秉鉞專征又能節

制將校所向克捷自言能將十萬橫行天下人稱常十

萬一時推名將者曰徐常徐常云而 上亦均重每舉

以勵諸將帥必曰中山開平二王又時對諸將曰常將

軍從我久今行失隊列亡班寧不慘然子三曰茂曰昇

曰森茂弱冠封鄭國公歲祿三千石二十年從婦父宋國公勝北征納哈出無所任數恚爭相失會納哈出請降右副將軍藍玉往迎之至營讓酒與衣未決納哈出悔欲出茂直前搏之納哈出走茂抽刀砍傷就縛部卒驚潰宋公恚上書以爲茂激變詔械至京而茂亦列上宋公貪淫不法事上收宋公總兵印謫茂龍州土官趙貼堅妻王氏有二女茂納一爲妾貼堅死子宗壽襲職王猶持印與茂擅州事數陵宗壽會茂卒宗壽以計取印上其事王亦言宗壽從子不當襲上以遠人兩釋之或又言茂實不死匿他所上命督府榜諭送

茂至京復遣尚書唐鐸繼往宗壽不奉命乃以左都督
楊文令韓觀兵討之已審知茂定死宗壽亦輸款乃止
茂弟昇以二十二年襲開國公 皇太孫立加太子太
保建文初頗用事忠謹能盡職靖難師渡江與魏國公
分道出戰皆不能却 文皇卽位安置雲南之臨安洪
熙初召賜鈔幣尋遣還當是時開平王長女爲皇太子
妃實生建文皇帝昇又事建文無二心故終不得復久
之卒子繼祖繼祖子寧寧子復弘治中錄六王後得官
南京錦衣衛指揮使子紹襲紹卒子經襲經卒子鳳襲
鳳卒子玄振襲嘉靖中繼絕世封懷遠侯號爲開國輔

運推誠宣力武臣階特進榮祿大夫勲柱國歲祿千石
卒子文濟嗣文濟卒子胤緒嗣

四功臣子孫復爵始末

孝廟卽位之五年以開國功臣封王者六人子孫有奪
祿者欲量加恩典禪奉其祀乃下詔命所司具實查取
赴京開平王曾孫常復取自雲南寧河王玄孫鄧炳取
自湖廣璿與東甌王玄孫湯紹宗取自南京比至皆定
以南錦衣衛使各近墳塋守祀時承行者吏部尚書三
原王恕驗封郎中安陸孫交兵部尚書鈞州馬文升武

選郎中蘇州徐源嘉靖十年四家復加侯爵常玄振侯
遠侯李性臨淮侯鄧繼坤定遠侯湯紹宗靈璧侯

岐陽李武靖王

王名文忠字思本小名保兒

一日保保

盱眙人父曰隴西恭

獻王貞母曹國公主

上之長姊也

上起兵滁陽甲

午歲盡來歸時年十五公主薨已二年矣亂軍中崎嶇

幾不能免

上見甥且喜且泣賜姓名朱文忠同皇侄

文正親誨之讀書史兼習兵法解悟有如素習

上嘗

携所業傳示幕寮曰是亦足矣平世一鄉士要當於馬

上習之丁酉以舍人從軍策應池州奮擊破陳友諒之

卒尋率所部取青陽石埭旌德敗元將阿魯灰於淳安

縣之萬年街及苗軍于於潛昌化念士飽飲且驕夜潛

殺所獲焚輜重激之曰患不力戰何患不富貴乎遂前
襲破洪元帥營會邵愈胡大海之師取嚴州超帳前總
制親兵兼領元帥府事鎮之張士誠來爭挾苗僚數萬
人水陸奄至率輕兵從陸逆擊大破之取俘誠載巨筏
上順流而下其水軍見之亦夜遁餘衆復屯烏龍領再
擊走之取浦江遂克諸暨州義門鄭氏避兵居山谷間
訪其所在護送還家苗將楊完者爲張士誠所殺其將
泰不花等以同僉員成書來納款且言邵師李福等士
卒家屬在桐廬皆願効順奉 上命徃撫之凡三萬餘
人士誠攻嚴州又至大浪灘出兵夾擊皆破之士誠憤

甚遣其陸元帥花將軍據分水新城三溪以遏我師悉
攻殺之陞同僉樞密院事辛丑城嚴州胡大海援信州
代署金華分省事壬寅苗將蔣英劉震等殺大海以叛
卽遣椽吏郭彥仁元帥何世明往討至蘭谿英等驅略
南走處州李佑亦殺耿再成等屯兵縉雲圖之尋亦就
平進浙江行省左丞總各路軍馬辛亥諸全守將謝再
興叛挾張士誠寇東陽馳救復破之再興走王以反側
郡處兩叛間又與強敵接壤而練兵繕甲屹不可動免
上東顧之憂王以諸全當敵衝不易守與胡深謀別築
新城去舊城五十里相犄角士誠患之遣司徒李伯昇

率兵號十六萬圍之不克而去乙巳二月士誠大發兵號二十萬圍諸全爲必拔計王先遣兩指揮出江浦爲聲援士誠又以兵趨釣臺將犯嚴州王命以舟師扼之未至而千戶謝祐爲伏兵所執衆皆恐甚王意氣自若留兵居守率朱亮祖等赴援去城十里許有地曰龍潭立營其上衆謂賊勢盛不敵盍小遯俟大軍至合擊之王曰以衆則我非彼敵以謀則彼非我敵若未戰而退彼勢益熾雖大軍至難爲力矣莫若速戰死中求生正在今日遂誓鼓之曰彼衆驚甚以我整暇乘之實不足畏且聞彼輜重山積天賜若曹富也勉之衆咸奮戰旣

合天方晦霧忽開王橫渠引鐵騎數十乘高馳下直
出賊陣斷其中堅賊列騎迎戰手殺數十人縱橫搏擊
所向草靡賊駭而亂相蹂躪大軍乘之城中守兵亦鼓
噪出呼聲動天地無不一當百賊遂大潰斬首數萬級
擒將校七百人委棄鎧仗芻粟彌亘數十里上誠第五
子及李伯昇僅以身免召歸宴勞進右丞命宋濂紀其
事時徐常二王已取淮安進圍湖州使王率所部夾攻
取桐廬新城富陽進兵餘杭一夕而下叛將謝再興之
五千降丁未杭帥潘原明使其員外方燹納款王詰之
曰兵未交而遽款得無以計緩我師乎燹謝曰王師所

過秋毫無犯抗之吏民鼓舞而慶有主其何敢緩乃引入臥內與飲授之約束明日原明如師師遂入以女樂迎却之營於麗譙下令曰擅入民居死一卒借民金立磔以徇中外按堵如故就加榮祿大夫行省平章政事復李姓初上以軍糧不給增民田租至是王以病民請減額從之上卽大位封王父貞恩親侯尋討平閩叛寇還爲偏將軍三年從開平王北討由蓮化度鹿兒嶺進薄上都克之走元主俘獲萬計俄開平王卒於軍卽詔代將移兵陝西與大將軍合攻慶陽次大原而虜攻大同甚急因諭衆曰吾與若等受命而來闔外之

事有利于國可以專之若候進止恐大同之敵愈盛不可復制當疾進兵赴之有阻者按劍將斬遂出鴈門次馬邑敗其邏騎數千擒劉平章進次白楊門擒四大王時天雨雪疑有伏引數騎入山覘之前軍去虜五十里而營更進五里阻水自固虜脫列伯果率勁卒來劫不可動質明望見虜益大至乃以二營委虜俾死戰久之度其饑疲選精兵爲左右翼奮擊大破之擒脫列伯俾斬及降者萬餘人追至莽哥倉不見虜而還論功賜金幣當大將軍平三年進征虜左副將軍與大將軍分道北討王以十萬人出野狐嶺進師察罕腦兒擒平章

視真進次開平謀知元帝殂太子愛猷識里達臘卽位
兼程而往斬其候騎遂圍應昌明日破之太子走免獲
皇孫買的里八剌后妃宮人暨諸王省院達官將吏等
駝馬牛羊無算并獲宋元玉璽金寶十五玉冊二鎮圭
大圭玉帶玉斧各一精騎窮追至北慶州不及而還道
興州擒江唐二國公降其兵民三萬七千人至紅羅山
降楊思祖兵民萬六千餘人捷聞班師 駕出勞江上
還受 朝賀大封功臣授開國輔運推誠宣力武臣特
進榮祿大夫右柱國大都督府左都督曹國公同知軍
國事祿三千石世券尋領都督府事西蜀平令王因兵

威拊循其地還復以左副將軍北討出東路取和林西
至哈刺莽虜先遁王留輜重膺胸河人齎二十日糧疾
進至上刺河元太師哈刺章蠻子遣妻子北嚮悉衆渡
河嚴騎以待兵接力戰馬中矢急特短兵以鬪從者劉
義直前突擊以身爲蔽指揮李榮脫所乘馬投王自奪
虜騎乘之王橫槊麾兵殊死戰始却之逐北至騁海虜
來益衆乃據險自固散牛馬于野而多張疑兵切虜虜
疑稍稍引去王乃解歸迷失道至哥兒思麻乏水大窘
出野尋水脉忽所乘馬跑土泉隨湧出賴以給王軍雖
名爲勝而所失得相當大將軍出中路者竟敗故賞不

行尋復與大將軍行邊六年出朔州擒其太尉伯顏不
花七年駐代縣分遣兵出至三不刺者俘其平章陳安
禮至順寧陽門者斬其知院珍珠驢至白登者俘其國
公鄧字羅帖木兒又破大寧高州大石崖斬其宗王朶
朶失里至豐州追斬魯王十年視師鳳陽十一年父貞
堯十二年理軍洮河峽鞏護積石州逃叛土官阿里失
納等斬之置洮州衛虜益避遠邊境無事召還與李善
長通知中書省大都督府御史臺事又命大事皆取
二公處分中書省革特叅軍國大計兼領國子監王好
文門多賓客常以客所言言上請少誅僂胡惟庸之

死謂通日本 上欲討之文忠諫又官宦者大盛非天子不近刑人之義 上曰此儒生家言何從出爾口使人盡殺其客文忠出歸見館客橫屍牖下病悸不治上幸其第撫之十七年三月薨年四十六王器量沈宏人莫測其際臨陣蹈厲奮發遇大敵膽氣益壯故戰無不勝及釋兵家居恂恂若儒生嘗師金華范祖幹胡翰講明性理之學其處身處家一循理度惟謹詩詞皆偉壯可觀至音樂華靡泊如也贈岐陽王謚武靖後景隆襲爵誥詞中有云朕姊子李文忠列之羣將位以公爵非智非謙幾累社稷身不免而自終爾慎鑒前轍永服

朕訓三子景隆增枝芳英

朱史氏曰岐陽之功莫大于斯西莫迅于應昌莫險于
騁海蓋亞中山匹開平而文學議論又宛然儒者氣象
自古人臣文武全才未見有及者 太祖因居然以唐
太宗目之矣非智非謙幾累社稷之語盡吐心事親爲
帝甥其平天下如何用智如何執謙岐陽至是其道猶
而其功乃所以爲累 上固籌之深矣借事發怒借館
人行刑中道而逝延其世賞君臣甥舅之間情不足而
體尚存千古變局殊不忍言至景隆綺紈子能讀書談
兵自其家傳堂堂乎張也貌而推之情而信之天也卽

豪傑如何卽岐陽尚在亦如何而况景隆噫嘻

景隆

景隆小字九江身長偉姿疎眉目少齒諸生與天台方孝孺林右輩相善多習典故善談論每朝會進止雍容甚都十九年襲爵上書體爾祖禍忠孝不忘字賜之與魏國公輝祖等分鎮中原要地所使多稱進掌左府二十五年皇太孫立兼太子太傅益以肺腑見親任晉太子太師增枝遷左都督芳英初爲中都正留守亦晉都督同知燕王兵起長興侯耿炳文武定侯郭英等皆敗命景隆爲征虜大將軍北伐

一日齊泰黃子澄所薦賜通天

犀帶 帝爲推挽親送之江汭便宜誅賞時諸宿將鮮
存者雖存亦已老又皆景隆諸父行快快不肯爲之下
景隆暴得意自尊大陞帳據高坐毋敢與抗禮會兵五
十萬于德州進營河間乘燕攻大寧直薄北平爲長圍
困之王還師自救景隆逆戰大敗死者十餘萬明日九
門之師皆潰死者復數萬乃退走王復攻大同景隆引
兵出紫荆關時寒甚士卒墮指者什二三乃移書燕王
請罷兵詞甚驕蹇王報書切責之見大又豫策其五敗
見大至是聚兵號百萬軍德州郭英吳傑等營真定逼
北平又敗退戰于白溝河北復大敗殺溺及被俘者幾

三十餘萬王追至濟南圍之鐵鉉堅守不下始在軍

朝議權尚輕特

賜黃鉞金鉏朱弓矢使者渡江大風

失去複製以

賜而敗書至矣召還黃子澄于朝班慟

哭請誅以謝天下竟不問又二載師屢覆燕兵渡江駐

龍潭

建文皇帝使景隆同尚書茹瑄都督王佐來謁

以割地講和請王笑曰事至此何地可割吾但欲得奸

臣耳于是景隆等蒲伏密輸款歸佐谷王守金川門王

至開門以逆王卽位以景隆等默相事機改號奉天靖

難增祿一千石監修

高廟實錄朝中大事猶以班首

主議

上雖外示崇重心恨之甚諸功臣咸扼腕永樂

二年周王發其建文時至邸卽訊受賂又廷劾議罪
詔盡削勛階官號絕朝請勒歸私第猶以長公主故不
奪爵亡何又言調事者至其家猶坐受闖人伏謁行君
臣禮大不道并其弟左都督增枝同繫私第盡沒其貲
絕食者旬日得不死稍稍給食永樂末竟凍餒卒正統
中增枝猶在聽自便又數傳玄孫璿爲南京錦衣衛指揮使卒襲者曰濂曰性嘉靖中繼六王後封性臨淮侯
卒無子叔父沂嗣卒子庭竹嗣領南督府以振武營兵
變召歸尋領漕事卒子言恭嗣好文學能詩有岐陽王
風委寄大約如庭竹子宗城爲勛衛以正使封倭奔歸

謫戍子邦鎮製鎮守淮安卒弘濟嗣

璿字天器岐陽王玄孫祖佑父華皆以景隆奪爵閑居
毋關氏生璿自其先世好文學璿有祖風鄰老儒許子
貞方隱居著書見而見之以女許聘學成 敬皇御極
錄大功中絕者各授南錦衣衛指揮使璿與焉謙厚慎
儀節平日與第幾供養爲二親歡服則登臨賦詩甚著
文采正德初逆瑾當路竊弄威權大獄繁興延及勛戚
依勢者遂遭奪臨安主賜第璿與臨安切鄰因飲忿鬱
鬱成疾甲戌卒年五十二

寧河鄧武順王

王名愈泗州虹縣人父順興三子長曰友隆仲卽愈愈
有大志貌魁岸勇力絕人元末羣盜起順興從鄉里少
年自保遂據臨濠拒元兵戰死友隆代復病死愈代是
時年十六先登陷陣無不摧敗衆喜曰使仲蚤將何至
爲人所侮高皇駐師滁陽來附從渡江克采石取太
平大破陳也先蠻子海牙之衆下建康略定溧水破鎮
江功多擢廣興翼元帥克廣德州長鎗軍謝元帥來攻
出輕兵背城戰走之移鎮宣州別將兵取休寧績溪與
胡大海合攻徽州下之苗軍楊元帥以十萬衆來爭與

大海逆戰大破之虜其大校吳宰等百五十八人婺源
裨帥汪同來降遣驍將王弼孫虎等進逼其城破之殺
其將鉞木兒不花斬首三千級得兵亦如之徇下高河
壘由昱嶺關進攻建德破其長鎗元帥余子貞追奔至
淳安復大破之遂克建德改爲嚴州進同僉行樞密院
事領兵略臨安敗張冠于開林寨破元帥于烏龍嶺庚
子鄱陽院判于光左丞余椿擊走僞漢部將辛同知饒
州來附王移鎮之饒濱彭蠡湖接漢界漢數遣舟師攻
城王輒出戰殲其衆辛丑進叅政兼總各翼軍馬益布
上威德撫納降附左丞吳宏等皆自拔來歸以兵取浮

梁轉戰樂平敗蕭總管之衆獲萬戶彭壽等諸屬邑皆
下規取洪都駐師臨川之平塘聞州人熊鼎有謀略延
見與論事 上遣降將吳宏取撫州撫州帥鄧克明欲
拒宏而畏王兵強遣人詐獻地緩我用鼎計率勁兵間
道夜馳二百里黎明入其城克明出不意走又自度不
免來降遂定撫州友諒丞相胡廷瑞平章祝宗同僉康
泰等守洪都遣使來降 上受之人其城召王來會因
命鎮守宗泰仍故官以所部從守二人初不欲降迫于
廷瑞快快懷二心又以王秩卑不欲居其下廷瑞知之
密言狀 上命二人部兵赴大將軍攻武昌舟次女兒

港叛還夜砍新城門入王舍卒以數十騎且戰且走從
騎被殺且盡窘甚連跨三馬輒路幾不得免最後得養
子馬乃脫奪撫州門出自歸于上上弗罪也大將軍
聞變還兵復洪都走祝宗執康泰于是大都督文正開
府洪都王副之明年陳友諒傾國來圍號五十萬治戰
艦高與城等文正堅守王分撫州門最衝力戰幾三月
晝夜不脫甲上來援圍解論功與克敵等尋破平鄧
青等二萬人于永豐從開平王蕩臨江山寨圍贛州
下之南安南雄韶州諸路悉降還軍吉安討饒鼎臣士
有擄掠者判官潘樞入謁曰將軍奉揚天威首亂未除

良民先掠甚失弔代之義王大驚謝進行省平章時年二十八兵興諸大將蚤貴無有如王與岐陽王者出鎮襄陽上賜書曰條法度施惠愛無罪者弗妄殺有罪者宜詳審古良將以仁義爲先勇略次之汝能勉之我無西顧之憂矣王披荆棘立軍府營屯練卒威惠甚著吳元年建御史臺拜右御史大夫時左大夫湯和計方谷珍王領臺事條上便宜特見嘉內大將軍經略中原王以征戍將軍進兵取唐州南陽生獲蔡國公史克新等遂取隨州守將左丞王誠降均房金商地悉平上卽位立東宮兼太子左諭德三年以征虜左副將軍從

大將軍出隴右大破王保保別將招諭河州土番大酋
何鎖南普化兒只等請降進西烏思藏等亦降皆入貢
請受命論功封開國輔運推誠宣力武臣特進榮祿大
夫右柱國衛國公歲祿三千石子泰世襲五年以征南
將軍討澧州溪洞蠻僚悉平之十年吐蕃諸部爲梗劫
剽烏思藏貢使王以征西將軍率沐都督等往討之分
兵深入覆其巢窮追至崑崙山斬首捕虜數萬馬牛羊
二十餘萬捷聞召還至壽春卒年四十 上哭之慟
親臨奠歎曰愈事朕二十二年歷鎮八州有功無過一
旦淪喪如奪手足命朱夢炎爲文刻神道塋皆官給追

封寧河王誼武順王浚敘詳敘事 上景恭順有所委

不憚危苦功成不矜屢受權抑不怨敬禮賢士大夫

上特重之前後托寄親舊莫敢望焉五子鎮襲封改周

申亦數將兵從大將軍有功卒年二十三無子弟銘爲

錦衣衛指揮僉事征蠻卒子源當後鎮年二十爲散騎

舍人七年征胡有功還卒子挺亦卒子炳成化十六年

不許弘治初復爲南京錦衣衛指揮使卒子繼坤

初繼絕世封定遠侯卒子祖錫嗣卒世棟嗣卒

吳人常曰寧河之死猶在疆年乃其東蕩西滌鎮撫八

州聲名已奕奕在諸將上至今襄陽人猶道之朱夢炎
撫寧河事以孝撫弟愛匪獨將略之雄兼有君子之行
以故 太祖心重之光輔 帝業作我世臣有以也夫

東漢書卷五

王名和字鼎臣，潯人。少孤，卓越有奇志。嘗從羣兒嬉，輒
勸習部伍，及長，多力工騎射。事滁陽王，跳蕩善戰，從取
九灣，再破定遠，故與高皇同里閭，相善。時高皇以
王皆與和共事，下和州。當是時，諸將皆上等夷莫肯
爲下和長。上三歲，獨效順執部曲禮。上甚悅，陳也。
先來寇和拒却之，從渡江，定太平也。先復來寇和，擊其
水軍，流矢中左臂，不爲撓。尋與中山寧河二王自東門
大破之，擒也。先取鎮江，進統軍太元帥，守之。略定金壇，
覆高莊，戍轉同僉樞密院，從取常州，爲其守帥。與張士

誠境接和頗好飲嘗請事干上不允醉謂其下曰吾
與常州如坐屋脊左右傾惟所便誰能難也上聞隱
之和醒亦愧悔悉力拒士誠再破其軍又逐莫元帥虜
其妻拜中書左丞從開平王解長興圍拜平章政事乙
巳平江西盜姚大膽西取永新州執周安等誅之再守
常州士誠既縛論功賜帛建御史臺爲左御史大夫
以征南將軍討方谷珍蹙之走海島悉俘其衆谷珍降
移兵取福州虜陳友定洪武元年兼太子左諭德扈
上幸汴梁遂同宋公取懷慶澤潞晉絳諸郡尋從中山
王拔河中渡河入潼關趣鳳翔越六盤山秦隴皆平明

年復從中山王大破獮郎于定西遂定寧夏追虜于察
罕腦兒擒其將虎陳九月大封功臣與衛公鄧愈俱爲
御史大夫而年位久在其上以功不如僅封中山侯祿
千五百石始露守常州時語和頓首謝過明年爲征西
將軍與副將軍廖永忠等舟師自夷陵攻夏扼險不得
進永忠趣之未決而征虜副將軍穎川侯友德自秦隴
深入取漢中永忠聞乃決計先入破其扼險之師長驅
抵重慶和始繼之夏主明昇以重慶降友德亦定成都
蜀平 上推功友德永忠受上賞責和逗撓姑子彩帛
八和復頓首謝罪又明年從中山王北討分道擊賊敗

于斷頭山歸命往中都同李韓公建宮闕尋覽通州外郭徙鎮彰德王堅忍多智數又時與李太師抗故特委以綜理之任且念爲里中長者卒封爲特進光祿大夫左柱國信國公議軍國重事歲祿三千石與誥券同曹公練卒中都西巡至汴州繕完城郭營舍明年從中山王北伐覆灰山營獲其平章刺里哥福密副使九通又明年巡四川訓練士馬經理永寧凌肅思州五開山獠亂討之鹵斬四萬餘又從楚王討平古州蠻時天下大定從容爲上言臣老願得歸收鄉待骸骨上悅賜寶鈔治第中都尋悉治諸功臣第既而倭盜海邊上

患之有指揮方鳴謙者故谷珍從子 上以其習海事
問焉鳴謙曰倭海上來則海上備之爾能量地遠近置
衛所陸聚兵水具戰船砦壘錯落倭無所從入入亦無
所得若縱之赴岬魚肉吾民矣 上喜則曰于何籍軍
對曰兵興以來軍勦民困民樂爲軍若四民籍一民當
衛應時諸大將多物故 上知王知慮未衰強起之曰
卿雖老爲朕一行因請與鳴謙偕至台鳴謙以其客王
文敏見因爲王圖上要害城戍處奏聞一如所請于是
自登萊淮揚迄吳越間設指揮衛若干戶所揀丁壯三
萬五千有奇城之盡發州縣錢及籍犯者家物給用工

匠往過墾丁壯多人民家聞其墻垣墍序之石及諸
確磴掘諸城下浙人謳曰京田巨倉公卒聊浪墻除確
禮公城掘魯文徵曰浙人譟矣奈何王曰吾聞成遠算
者不近量任大事者不細謹若以國之無備及于戈鋌
蔓草延寇下蠱豸生井曰安所得確磴乎復有譟者老
夫將手刃之不踰年城成稽軍次定考格立賞令四民
食一守之城凡五十九閫中並海城亦成既報命新第
成王率妻子 陛辭賚黃金三百兩白金二千兩鈔三
千錠絲幣四十有副妻胡氏黃金二百兩白金一千兩
鈔五百錠絲幣三十有副皆璽書褒諭又明年魏曹等

六公還鄉賜皆如之歲一朝京師而諸公侯猶不時遣
鎮各邊及將兵討伐獨王以老不任行上愈眷且安
之二十三年入朝忽病中風不能言上聞卽日幸其
第撫視惋歎良久遣還里命其女魯王妃歸寧侍疾小
間二十七年上使其子都督僉事鼎迎至都安車入
內殿與酣宴賚賜相屬最後復入朝疾劇不能與上
手摩撫其體與敘里閑舊及艱難勞動王不能對稽首
而已上爲之雪涕勅有司營塋地明年卒年七十追
封東甌王謚襄武王沈毅質直入聞國論一語不洩臨
敵果敢有語及兵書者輒笑曰臨機在智識敏達何泥

古爲家畜妾媵百餘暮年悉資遣之賞賜多惠鄉黨待
故交舊民甚厚精于相地凡省郡州邑多所改正絕不
語人正德中浙江巡按御史英言和守備寧波城戍精
堅倭至今不敢犯請立廟定海縣從之海上父老至今
指烽戍歷歷稱湯信公徵信公吾父鯨鯢食矣五子鼎
立功爲都督僉事征雲南卒贈信世子次輓鼎燮皆前
卒少子醴都督同知征五開卒有孫十一人鼎子晟勿
優給永樂元年卒子文瑜孫傑皆病癰不得嗣傑無子
弟倫倫子紹宗頗通經術 孝宗朝錄爲南錦衣衛指
揮使家宰王三原見之曰湯舍人必腰玉嘉靖中封靈

璧侯凡三歲以使事卒。清年六十一子佑賢
營務及南前府中。子世。臣。事。相。子。保。太子太保卒。贈太保。諡。公。事。卒。子國祚嗣。

自明開國臣傳卷之一

開國臣傳

卷一